



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Conivgio Doctrina

Wigand, Johann

Jhenæ

VD16 W 2745

Qvottvplex.

urn:nbn:de:hbz:466:1-36207

QVID.

In hac autem definitione, neq; efficientis, neq; finalis causa mentio fit.

Modestinus lib. I. regul.
de nuptijs.

Nuptia sunt coniunctio maris & feminae,
& consortium omnis vite, divini & humani
iuris communicatio.

Hac definitio priori consonat, nisi quod &
iuris communicationem addit. Fuerunt autem
Romae viro & mulieri, sacra gentilia commu-
nia. Inde quidam elicere conantur de necessitate
coniugij esse, marem & feminam debere eius-
dem religionis esse. Sed videtur hac probatio, ex
isto quidem loco imbecillis esse. Nos de eiusmodi
rebus infra differemus.

Contraria.

Falsa aut nimis mutila definitiones, ut
coniugium esse carcerem, omnem vitam libertatem
adimentem, & similes.

QVOTTVPLEX.

Coniu-

QVOTVPLEX.

Coniugium duplex est, Legitimum & illegitimum, vel licitum & illicitum, vel iustum & iniustum, quæ quidem vocabula idem valent.

Legitimum dicitur, quod iuxta leges divinas atq; humanas factum est.

Illegitimum, quod contra leges Dei atq; humanas initum est, ut sunt incesta nuptiæ, quando nimis propinquo affinitatis seu cognationis gradu, duo iunguntur, vel unus sibi plures uxores copulat, absq; singulari Dei iussione vel dispensatione.

Coniugium aliud est initiatum, aliud consummatum.

Initiatum est, quando per desponsationem legitimam, ad coniugium duæ personæ destinatae, mutuisq; consensionibus promissionibus ac vinculis colligatae sunt, ea ratione, quod accedente publica per Ministrum Dei copulatione & nuptiis, velint in coniugio honeste vivere. Publicum autem dico, presentibus nimirum aliquot testibus, siue in templo, siue in domo privata, aut alio loco commodo & honesto.

Consummatum est, quando solennitates,
B S publica

DE CONIUG.

publica & honesta consuetudine recepta, accedant, siue accesserint, & sequitur seu sequitur cohabitatio coniugalis. Hac diuisio ex verbis Ambrosij sumitur, cum inquit, Coniugium desponsatione incipitur, commixtione perficitur. Estq; haec distinctio non contemnenda. Nam desponsatione promittitur coniugium. Copulatione vero solenni & cohabitatione maritali, fit autem ipsum coniugium. Haec autem diuisio ex causa formalis potissimum nascitur.

Scriptura sacra quoq; spiritualis & corporalis Coniugij meminit.

Spirituale, est spiritualis copulatio Christi & suae Ecclesiae, id est, omnium credentium, or. Et haec miranda, de qua Osee 2. scriptum est, Desponsabo te mihi in sempiternum, desponsabo te mihi in iusticia & in iudicio, & in misericordia, & in miserationibus. Et desponsabo te mihi in fide, & cognosces Dominum. Haec porro spiritualis coniunctio, quae suauissima & saluberrima est, nihil derogat corporali coniugio, quod est typus spiritualis illius coniunctionis. Ephe. 5. *Mysterium hoc magnum est. Ego autem dico, in Christo & Ecclesia.*

Corporale, est illa externa societas animorum, corporum, totiusq; vitae huius temporalis.

Solent

QVO TUPLEX.

Solent & alia diuisiones afferri, ut Coniugium aliud est ethnicum, aliud Christianum.

Ethnicum est inter eos, qui sunt extra Christi Ecclesiam.

Christianum verò, quod inter Christianos contractum est. Verùm differentia consistit tantum in personarum qualitate, quod alia sunt reuera, alia non. Coniugium autem ipsum per se, sua habet substantialia, siue gentiles siue p̄i id obseruent.

Item aliud est faustum, aliud infelix. Hæc autem distinctio, non tam discrimen Coniugiorum, quàm animorum inæqualitatem, vel alia accidentia declarat, sicut aliud est sterile, aliud fecundum. Eiusmodi igitur diuisiones transiliamus, contenti duabus primis, quarum in hac quædam tractatione potissimum usus est.

DE CAUSA EFFICIENTE.

VNDE SIT.

Non temerè, non sapientia aliqua humana, *ma* *maris & femina honesta per omnem vitam*